

आकाशवाणी

खबरां

1. नमीं दिल्ली दे ऐतिहासिक विजय चौक पर बीटिंग रिट्रीट समारोह दा अज्ज आयोजन कीता गेआ।
2. गणतंत्र दिवस दी परेड च सब्बनें शा श्रेष्ठ झांकी द पुरस्कार उत्तर प्रदेश नै जित्तेआ ऐ। जम्मू-कश्मीर राइफल्स दल नै सब्बनें शा श्रेष्ठ मार्चिंग दल दा पुरस्कार हासल कीता।
3. केन्द्र सरकारै पर्यावरण दे अनुकूल तकनीकें गी बढावा देने लेई राश्ट्री महत्वपूर्ण खनिज मिशन गी मंजूरी देई दिती ऐ।
4. राश्ट्री राजधानी च असैम्बली चुनाएं शा पैहले सियासी पारा अपने चरम पर पुज्जी गेदा ऐ।
5. प्रयागराज दे महाकुंभ च मौनी मस्सेया दे मौके पर बक्ख-बक्ख अखाडें दे साधु-संतें अज्ज त्रिवेणी संगम च पवित्र चलोबी लाइयै अमृत श्रान कीता। राश्ट्रपति द्रौपदी मुर्मु ते प्रधानमंत्री नरेन्द्र मोदी होरें महाकुंभ च भगदड़ दरान जान मुहाने आहलें दे परोआरें प्रति संवेदना जताई ऐ।
6. बक्फ (संशोधन) विधेयक, 2024 पर संसद दी सांझी समिति नै अज्ज मसौदा रिपोर्ट गी स्वीकार करी लैता ऐ।
7. उत्तराखंड च 38मीं राश्ट्री खेड्डां जारी, प्रतियोगिता दे दुए ध्याडे पदक तालिका च महाराश्ट्र सब्बनें शा उप्पर ऐ।



**Beating Retreat**

नमीं दिल्ली दे ऐतिहासिक विजय चौक पर बीटिंग रिट्रीट समारोह दा अज्ज आयोजन कीता गेआ। इस मौके पर राष्ट्रपति द्रौपदी मुर्मु, उपराष्ट्रपति जगदीप धनखड़, प्रधानमंत्री नरेन्द्र मोदी, रक्षा मंत्री राजनाथ सिंह, लोकसभा अध्यक्ष ओम बिरला ते होर दुए केंद्री मंत्री बी उल्थे मजूद हे। समारोह दी शुरुआत बड़ी मती प्रतिष्ठ आहली 'कदम-कदम बढाए जा' धुन दे कन्नै होई, जेहदे परैन्त पाइप्स ते ड्रम बैंड आसेआ अमर भारती, इंद्रधनुष, जय जन्म भूमि ते वीर सियाचिन जेई मनमोहक धुनां बजाइयां गेइयां। बीटिंग रिट्रीट समारोह दे कन्नै गै मुल्ब भरै च गणतंत्र दिवस आहले समारोह बी संपन्न होई गे न।



**Best Tableau Awards**

गणतंत्र दिवस दी परेड च सब्बनें शा श्रेष्ठ झांकी द पुरस्कार उत्तर प्रदेश नै जित्तेआ ऐ। उत्तर प्रदेश दी झांकी 'महाकुंभ 2025- स्वर्णिम भारत: विरासत ते विकास' विषय पर आधारित ही। त्रिपुरा दी 'सनातन श्रद्धा: त्रिपुरा च 14 देवताएं दी पूजा - खारची पूजा' विषय दी झांकी गी दुआ ते आंध्र प्रदेश दी 'एटिकोप्पका बोम्मालु- पर्यावरण-अनुकूल लकड़ी दे खड्डौनें' गी दर्शाने आहली झांकी गी त्रीआ पुरस्कार प्रदान कीता गेआ ऐ। जनजातीय मामलें सरबंधी मंत्रालय दी झांकी 'जनजातीय गौरव बरे' गी सब्बनें शा श्रेष्ठ झांकी दा पुरस्कार दित्ता गेआ ऐ। सेवाएं च, जम्मू-कश्मीर राइफल्स दल नै सब्बनें शा श्रेष्ठ मार्चिंग दल दा पुरस्कार ते केन्द्रीय सशस्त्र पुलिस बल ते होरनें सहायक बलें दिल्ली पुलिस मार्चिंग दल नै पुरस्कार हासल कीता ऐ। केंद्री लोक निर्माण विभाग ते 'जयति जय मम: भारतम' नृत्य समूह गी विशेष पुरस्कार कन्नै सम्मानित कीता गेआ ऐ। गुजरात नै लोकप्रिय पसंद श्रेणी च अपनी 'स्वर्णिम भारत: विरासत ते विकास' झांकी लेई सर्वश्रेष्ठ झांकी दा पुरस्कार जित्तेआ ऐ। इस पुरस्कार लेई माई गोव पोर्टल पर नागरिकें गी उंदी पसंदीदा झांकी ते मार्चिंग टुकड़ियें लेई ऑनलाइन सर्वेक्षण आयोजित कीता गेआ हा। एहदे च उत्तर प्रदेश उपविजेता रेया, जिसलै के, उत्तराखंड दी 'सांस्कृतिक विरासत ते साहसिक खेड्ड' झांकी नै त्रीआ थाह हासल कीता। सेवाएं च सिग्नल्स दल नै सब्बनें शा श्रेष्ठ मार्चिंग दल दा पुरस्कार जित्तेआ। सीआरपीएफ मार्चिंग दल नै सीएपीएफ ते होरनें सहायक बलें च सब्बनें शा श्रेष्ठ मार्चिंग दल दा पुरस्कार जित्तेआ ऐ।



## ISRO

भारतीय अंतरिक्ष अनुसंधान संगठन- इसरो नै अज्ज आंध्र प्रदेश दे श्रीहरिकोटा थमां दूई पीढी दे नेविगेशन सेटैलाइट एन.वी.एस.-02 दा सफल प्रक्षेपण कीता। इसी बडलै 6 बज्जिए 23 मिनट पर जी.एस.एल.वी.-एफ-15 प्रक्षेपण यान दी मदद कन्नै छोड़ेआ गेआ। सतीश धवन अंतरिक्ष केन्द्र सोयां एह इसरो दा 100मां ऐतिहासिक प्रक्षेपण ऐ। एनवीएस-02 उपग्रह, भारतीय नक्षत्र प्रणाली कन्नै दूई पीढी दे नेविगेशन दा हिस्सा ऐ, जेडी भारत दी स्वतंत्र क्षेत्रीय नेविगेशन उपग्रह प्रणाली ऐ, जिसी भारत च इस्तेमाल करने दे कन्नो-कन्नो भारतीय भूभाग थमां लगभग डेढ हजार किलोमीटर अगगे तकर फैले दे क्षेत्र दी सटीक स्थिति, वेग ते समय सेवा प्रदान करने आस्तै डिज़ाइन कीता गया ऐ। साइंस, टेकनालजी ते अंतरिक्ष विभाग दे मंत्री डॉ. जतिंद्र सिंह होरें इस मौके पर इसरो गी ममारकबाद दिती ऐ।

<><><><><><>

## America

अमरीकी राष्ट्रपति डोनाल्ड ट्रम्प होरें इजरायली प्रधानमंत्री बेजामिन नेतन्याहू होरें गी अगले हफ्ते व्हाईट हाउस च बैठक लेई साद्दा दिता ऐ। नेतन्या होरें सोशल मीडिया पोस्ट च आखेआ जे ओहू अगले म्हीने दी 4 तरीक गी अमरीकी राष्ट्रपति हुंदे कन्नै मलाटी करंगना। इस दौरान दौनें लीडरें बश्कार इजरायल ते ओहदे गोआंडी मुल्खें च शांति बहाली उप्पर चर्चा करने दी मेद ऐ।

<><><><><><>

## Cabinet Decisions

सरकारै 34 ज्हार करोड़ रुपें शा मते दे खर्चे कन्नै राष्ट्री महत्वपूर्ण खनिज मिशन गी मंजूरी देई दिती ऐ। पर्यावरण दे मुआफिक तकनीकें गी प्रोत्साहन देने लेई जरूरी महत्वपूर्ण खनिज संसाधनें लेई इक लचीली मुल्ल श्रृंखला बनाने दा फैसला लैता गेआ ऐ। अज्ज नमीं दिल्ली च पत्रकारें गी संबोधित करदे होई सूचना ते प्रसारण मंत्री अश्विनी वैष्णव होरें दस्सेआ जे अर्थबवस्था दे विकास लेई महत्वपूर्ण खनिज बड़े फायदेमंद ना। उनें आखेआ जे एहू खनिज तकनीकां ऊर्जा संक्रमण, कृषि, रक्षा, इलेक्ट्रॉनिक्स, दूरसंचार, ट्रांसपोर्ट, एयरोस्पेस, परमाणु ते होरनें खेत्तरें लेई महत्वपूर्ण ना। ऐसे खनिजें दी खोज, खनिज ब्लॉकें गी हासल करने ते खनिजें दे आयात उप्पर निर्भरता गी घट्ट करने लेई देशै दी समर्थ बधाने दे मकसद कन्नै इस मिशन गी मंजूरी दिती गेई ऐ। सरकार नै गन्ना फीडस्टॉक थमां इथेनाॅल खरीद दे मुल्ल दी बी मंजूरी दिती ऐ। श्री वैष्णव होरें दस्सेआ जे इथेनाॅल मिश्रण कन्न देशै दी अर्थबवस्था च बी मदाद मिली ऐ ते इक लक्ख 13 ज्हार करोड़ रुपें दी विदेशी मुद्रा दी बचत होई ऐ। उनें आखेआ जे इथेनाॅल मिश्रण कार्यक्रम कन्नै करसानें गी लाहू होआ ऐ ते पिच्छले माली बरें च करसानें गी एहदे लेई 40 ज्हार करोड़ रुपें शा मते दा भुगतान कीता गेआ ऐ।

<><><><><><>

## Delhi Campaign

राष्ट्री राजधानी च असैम्बली चुनाएं दे नेडे औने दे कन्नै चुनांऽ प्रचार नै बी खरा मता जोर फगड़ी लैते दा ऐ। बीजेपी, आम आदमी पार्टी ते कांग्रेस पार्टी सने होर बी दुइयां सियासी पार्टियां, मतदाताएं गी अपने-अपने पक्ख च करने ते अपने मेदवारें लेई समर्थन जुटाने दे मकसद कन्नै चुनावी रैलियां ते जलसे करै करदियां ना। बीजेपी दे वरिष्ठ नेता ते प्रधानमंत्री नरेन्द्र मोदी होरें अज्ज घोंडा हलके दे करतार नगर च इक चुनावी रैली कीती। इस मौके उप्पर उनें आम आदमी पार्टी उप्पर दोष लाया जे ओहू जमुना नदी गी लेइयै झूठ बोला करदी ऐ ते दिल्ली दे बसनीकें कन्नै झूठे वायदे करै करदी ऐ। तोआई उत्तराखंड दे मुख्मन्त्री पुष्कर सिंह धामी होरें बदरपुर इलाके च चुनांऽ प्रचार कीता। इसै चाल्ली कांग्रेस पार्टी नै अपना चुनावी घोषणा पत्र जारी कीता ऐ ते लोकें गी मुफ्त सेहत बीमे दा वायदा कीता ऐ। ईआं गै आम आदमी पार्टी दे संयोजक अरविंद केजरीवाल होरें बदली ते तिमारपुर इलाकें च जनसभ कीती जिसलै के पंजाब दे मुख्मन्त्री भगवंत मान होरें रजौरी गार्डन, तिलक नगर ते विकासपुरी इलाके च इक बड्डा रोश शो कीता।

<><><><><><>

## Congress-Manifesto

कांग्रेस पार्टी नै अज्ज दिल्ली विधानसभा चुंऽ लेई अपना घोषणा पत्र जारी करी दिता ऐ। पार्टी दे वरिष्ठ नेता जयराम रमेश ते पवन खेडा होरें पार्टी दी दिल्ली इकाई दे प्रमुख देवेन्द्र यादव हुंदे सने घोषणा पत्र जारी कीता। एहदे च दिल्ली दे लोकें लेई 5 गारंटियां दित्तियां गेदियां ना। इंदे च महिलाएं गी हर म्हीने ढाई ज्हार रपे, 25 लक्ख रपे तगर दा मुफ्त स्वास्थ्य बीमा, 500 रपे च एलपीजी सिलेंडर, मुफ्त राशन किट ते 300 यूनिट तगर मुफ्त बिजली देने दा वादा

शामल ऐ। पार्टी नै सत्ता च आने उप्पर जाति जनगणना कराने ते पूर्वाचलियें लेई इक्क विभाग स्थापित करने दा बी वादा कीता ऐ। श्री रमेश होरें आखेआ जे गरंटी दा मतलब ऐ जे एह जनता दा अधिकार ऐ। उनें शहर च प्रदूषण दे मुद्दे गी कथित तौरा उप्पर अनदिक्खी करने लेई बीजेपी ते आप उप्पर निशाना साधेया ऐ।

<><><><><><>

## Jharkhand Naxal

झारखंड च पच्छिमी सिंहभूम जिले च अज्ज सुरक्षाबलें ते नक्सलियें बश्कार टाक्करे च द'ऊं नक्सली मारे गे ना। एसपी आशुतोष शेखर होरें दस्सेआ जे सोनुवा थाना खेत्तर च तलाशी अभियान दे दरान होए दे टाक्करे च द'ऊं नक्सली मारे गे न ते केई नक्सली घाजल होए ना। उनें दस्सेआ जे माओवादियें दा इक दस्ता पुलस बलें पर हमला करने दी योजना बना करदा ऐ, एहदे परैन्त सुरक्षाबलें आसेआ तलाशी अभियान चलाया गेआ। अभियान दे दरान नक्सलियें सुरक्षाबलें गी दिक्खदे गै गोलीबारी शुरू करी दित्ती, जेहदे परैन्त सुरक्षाबलें बी तुरत परते आहली कार्रवाई कीती। इस दरान सुरक्षाबलें द'ऊं राइफलां बी बरामद कीतीआं ना।

<><><><><><>

## LG-Budget

जम्मू-कश्मीर विधानसभा दी सलाहकार कमेटी दी बैठक मेद ऐ जे फरवरी दे पैहले हफ्ते गी लगगोग, जेदे च विधानसभा दे औंदे बजट इजलास दे कार्यक्रम गी मुकदा रूप दित्ता जागं बजट सत्र 3 मार्च गी शुरू होग। उपराज्यपाल मनोज सिन्हा होरें जम्मू-कश्मीर दी विधानसभा दे बजट इजलास गी लाने दी मंजूरी देई दित्ती दी ऐ। 20 जनवरी गी एल.जी मनोज सिन्हा हुंदी अध्यक्षता च लगगी दी बैठक च बजट इजलास लाने बारै प्रस्ताव रक्खेआ गेआ जिसी मंजूरी थहोई गई। बजट इजलास 3 मार्च गी शुरू करने दा प्रस्ताव ऐ। एह सत्र उपराज्यपाल हुंदे संबोधनै कन्नै शुरू होगं मुखमंत्रि उमर अब्दुल्ला जिंदे कश खजाना मैहकमे दी जिम्मेदारी ऐ, ओहू बजट पेश करडन। एह सत्र त्रै हफ्तें तगर होग।

<><><><><><>

जल शक्ति, जंगलात ते पर्यावरण मैहकमे दे मंत्री जावेद अहमद राणा होरें हिमाचल प्रदेश दे मुखमंत्रि सुखविंद्र सिंह हुंदे कन्नै नमीं दिल्ली च मलाटी कीती। बैठक दौरान उनें लोकहित कन्नै जुडे दे मामलें पर चर्चा कीती। इस दौरान मंत्री जावेद राणा होरें कुदरती पानी दे संसाधनें दे संरक्षण ते उंदी हिफाजत करने दे अलावा ल्हास-पस्सियां पौने, मिट्टी दे कटाव गी रोकने लेई अपनाई जा'रदी रणनीतिएं ते तौर-तरीकें पर बी चर्चा कीती की जे जम्मू-कश्मीर ते हिमाचल प्रदेश दे पर्यावरण सरबंधी मसले लगभग इक्के नेहू ना। दौनें नेताएं कुदरती संसाधनें दे रख-रखाव, उन्दे संरक्षण ते कुदरती तवाजम गी बनाई रखने बारै अपने विचार सांझा कीते।

<><><><><><>

## Mahakumbh-Akhara

प्रयागराज दे महाकुम्भ च मौनी अमावस्या दे मौके पर बक्ख-बक्ख अखाडे दे साधु संतें अज्ज त्रिवेणी संगम च पवित्तर चलोबी लाइयै अमृत स्नान कीता। इस मौके पर संतें पर फुल्ल बरसाए गे। एहदे शा पैहले संगम घाट पर होई दी घअना कारण अखाडे दा स्नान अनुष्ठान स्थगित करी दित्ता गेआ हा। महाकुम्भ दे दुए अमृत स्नान च लक्खां बदे श्रद्धालुएं त्रिवेणी संगम च पवित्तर चलोबी लाई।

<><><><><><>

## Prez-PM Kumbh

राष्ट्रपति द्रौपदी मुर्मू होरें आखेआ ऐ जे प्रयागराज दे महाकुंभ च भगदड़ दी घटना बड़ी दुखदायी ऐ। इक सोशल मीडिया पोस्ट च राष्ट्रपति होरें जान मुहाने आहले श्रद्धालुएं दे परोआर आहलें दे प्रति संवेदना व्यक्त कीती। उनें जख्मीं होए दे श्रद्धालुएं दे तौले नरोए होने दी कामना कीती ऐ। तोआई प्रधानमंत्री नरेन्द्र मोदी होरें आखेआ जे प्रयागराज महाकुंभ च होए दा हादसा बड़ा गै दुक्ख पुजाने आहला ऐ। इक सोशल मीडिया पोस्ट च उनें आखेआ जे इस हादसे च जेहडे श्रद्धालुएं अपने परोआर दे सदस्यें गी मुहाया ऐ, उंदे प्रति उंदिआं गहरी संवेदनां ना। उनें आखेआ जे ओहू सब्बनें जख्मिं दे तौले नरोए होने दी कामना करदे ना।

<><><><><><>

## Surajkund Mela

हरियाणा दे फरीदाबाद च अगले म्हीने थमां 38में सूरजकुंड अंतर्राष्ट्रीय शिल्प मेले दा आयोजन कीता जाहगा। इसगी लेइयै हरियाणा पर्यटन निगम नै सब्बनें अधिकारियें गी तय समें अवधि अंदर तैयारियां पूरी करने दे निर्देश दित्ते ना।

इस बारी मेले च उड़ीसा ते मध्य प्रदेश थीम स्टेट होडन ते बिम्सटेक-बांग्लादेश, भूटान, म्यांमार, नेपाल, श्रीलंका ते थाईलैंड जनेय मुखें दिआं कंपनियां अपने उत्पाद प्रदर्शित करडन। स्टाडे संवाददाता नै दस्सेआ ऐ जे सूरजकुंड मेला पूरे तरीके कन्नै डिजिटला होग। मेले कन्नै जुडे दे हर इक पैह्लू दी जानकारी 'सूरज कुंड मेला डॉट को डॉट इन' पर उपलब्ध होग। मेले दा आयोजन 7 थमां 23 फरवरी मझाटै सूरजकुंड परिसर च कीता जाह्य।

<><><><><><>

## Search-Operation

जम्मू-कश्मीर पुलस, फौज ते नीम फौजी बलें जम्मू प्रांतै दे केई सारी थाहरें पर आतंकवाद रोधी अभियानें गी तेज करी दित्ता गोआ ऐ। एहदे च मुख्त तौरा पर कब्जा रेखा ते जंगली इलाके शामिल ना। इनें अभियानें दा मकसद 2024 च होए दे आतंकी हमले लेई जिम्मेदार पूरे-पराते आतंकवादी नेटवर्क गी खत्म करना ऐ। इनें आतंकवादी हमलें च 18 सुरक्षा शहीद ते 14 आम नागरिकें सने 44 लोकें दी जान गई ऐ। इस दौरान आतंकवादिणं दी छप्पने आहली थाहरें दा पता लाइए उसी नष्ट करने, खास करी जंगली इलाकें च बनाई गेदी नेई थाहरें गी तबाह करने पर ऐ।

<><><><><><>

## JPC Waqf

वक्फ (संशोधन) विधेयक, 2024 पर संसद दी सांझी समिति नै अज्ज मसौदा रिपोर्ट गी स्वीकार करी लैता ऐ। नमीं दिल्ली च संवाददाताएं कन्नै गल्लबात च 31 सदस्यें आहले पैनल दे अध्यक्ष जगदंबिका पाल होरें गलाया जे समिति नै विधेयक कन्नै सरबंधत 14 प्रावधानें पर संशोधन गी स्वीकार कीता ऐ। उनें गलाया जे समिति दी रिपोर्ट कल लोकसभा अध्यक्ष ओम बिरला होरें गी सौंपी जाह्य। उनें इस गल्लै पर जोर दित्ता जे पिच्छले 6 म्हीनें च विधेयक पर व्यापक विचार बटांदरा होआ ऐ। वक्फ संशोधन विधेयक, 2024 दा मकसद देश भरै च वक्फ दिणं संपत्तियें दे प्रबंधन ते विनियमन च सुधार करना ऐ। तोआई, बरोधी सदस्यें रिपोर्ट गी स्वीकार करने पर सोआल पुट्टेया ऐ। डीएमके सांसद ए.राजा होरें आखेआ जे रिपोर्ट गी काहली-काहली च अपनाया गोआ ऐ। कांग्रेस दे नसीर हुसैन होरें आखेआ जे उंदे आसेआ कीते गेदे केई ऐतराजें ते सुझाणं गी रिपोर्ट च शामिल नेई कीता गोआ ऐ।

<><><><><><>

## National-Games

उत्तराखंड च कल थमां शुरू होई दी 38मीं राष्ट्रीय खेड्डें च मार्शल आर्ट्स, निशानेबाजी, खो-खो सने होर दुइयां खेड्डें दा प्रदर्शन कीता जाग। देश दे बक्ख-बक्ख हिस्सें थमां खडारी वुशु, राइफल, निशानेबाजी, बैडमिंटन, बास्केटबॉल ते पानी च खेड्डे जाने आहलियें बक्ख-बक्ख खेड्डें च हिस्सा लै रदे ना। जम्मू-कश्मीर थमां 108 एथलीट 14 बक्ख-बक्ख खेड्डे स्पर्धाणं जिंदे च वुशु, निशानेबाजी, कुश्ती ते होर दुए मुकाबलेबाजी च अपने हुनर दा प्रदर्शन करडन। एहू खेड्डे प्रतियोगिता खडारियें गी अपने हुनर दा प्रदर्शन करने लेई इक मंच प्रदान करा'रदियां ना। होर दुए मुकाबलेबाजी च अपने हुनर दा प्रदर्शन करंगन। एहू खेड्डे प्रतियोगिता खडारियें गी अपने हुनर दा प्रदर्शन करने लेई इक मंच प्रदान करदियां ना। उत्तराखंड च चला रदे इनें राष्ट्रीय खेड्डें च पुरुशें दे इक्कले ट्रायथलान च मणिपुर दे सरगमबाम अथौबा मेई तेई होरें सुन्ने दा ते तेल हेइबा सोरम होरें कैहू दा तगमा जित्तेआ।

<><><><><><>